



0 90757

王會篇箋釋卷中

光澤何秋濤願船

正北方義渠以茲白茲白者若白馬鋸牙食虎豹

孔氏曰亦在臺北與大塵相對義渠西戎國茲白一

名駁王氏補注曰西羌傳涇北有義渠之戎地理志

北地郡義渠道秦縣也括地志寧原慶三州秦北地

郡戰國為義渠戎國之地爾雅駁如馬倨牙食虎豹

山海經中曲山有獸如馬而身黑三尾一角虎牙爪

音如鼓名曰駁食虎豹可以禦兵博物志茲白狀如

酋耳尾長參其身食虎豹王氏自注說苑師曠曰駁之狀有似駁馬

秋濤曰自此義渠以下至奇幹凡二十國皆在西方

王會篇箋釋 卷中

故列於西皆東嚮其序自北而南義渠西北之國列

於其首故言正北方以明之孔氏注云亦在臺北與

大塵相對者稷慎以下二十國皆東方之國列於東

方西嚮以稷慎為首最在於北與此義渠正相對也

義渠故城在今甘肅慶陽府甯州西北蓋其國都也

若其所轄之地則甚廣遠今慶陽府唐慶州及平涼府

所屬之固原州唐原州皆義渠舊壤史記秦本紀厲共

公三十三年伐義渠虜其王躁公十三年義渠來伐

至渭南惠文君十一年縣義渠義渠君為臣十四年

更為元年十年伐取義渠二十五城匈奴傳秦昭王

時宣太后詐殺義渠戎王遂伐滅義渠於是秦有隴

西北地上郡。按北地今慶陽府。古西戎地。周先公不
窋居之。春秋戰國爲義渠地。至隴西今狄道州。先屬
戎。上郡今綏德州。先屬魏。與戎界連。故必滅義渠。方
能有之。又按周書史記解。昔者義渠氏有兩子異母
皆重君疾大臣分黨而爭。義渠氏以亡。按孔晁注以
史記解爲穆王之言。則義渠之亡。蓋在周成王以後。
穆王以前。厥後春秋戰國時。又有義渠者。蓋亡後復
興。若陳蔡之比也。墨子云。秦之西有儀渠之國。儀渠
卽義渠。古字通也。又按孔知茲白卽駁者。蓋以爾雅
所說駁與此茲白形狀皆同也。山海經說駁凡兩見。
海外北經云。北海內有獸焉。其名曰駁。狀如白馬。鋸

王會篇箋釋 卷中

牙食虎豹說與爾雅同。又西山經中曲之山有獸焉。
其狀如馬而白身黑尾一角。虎牙爪音如鼓音。其名
曰駁。是食虎豹。郭注曰。爾雅說駁不道有角及虎爪。
是郭意以海外北經所言爲爾雅之駁。疑西山經所
言之駁別是一物。然郭注爾雅引山海經云。有獸名
駁如白馬。黑尾。倨牙音如鼓。食虎豹。則又兼兩說而
參合之。劉逵注吳都賦引山海經亦云。駁如馬。白身
黑尾一角。鋸牙。虎爪音如鼓。能食虎豹也。亦并引海
外北經西山經之文。舊說相承當必有據。知古人之
言互有詳略不足致疑。管子小問篇云。桓公乘馬。虎
望見之。而伏。桓公問管仲對曰。意者君乘駁馬而洩。

古盤桓迎日而馳乎公曰然管仲對曰此駮象也駮

食虎豹故虎疑焉說苑又云豹食駮駮食虎駮之狀有似駮馬二書所說並與山海經爾雅合駮亦作駮易說卦傳云乾爲駮馬王虞云駮馬能食虎豹取其至健也孔疏云有牙如鋸能食虎豹蓋由其剛堅外著負力至健故易取象焉詩秦風隰有六駮毛傳引爾雅之駮爲釋蓋此獸見於易詩列於釋畜古人常見之物不以爲異也一切經音義引魏黃初三年六駮再見於野北齊書循吏傳張華原遷兗州刺史先是州境數有猛獸爲暴自華原臨州忽有六駮食之咸以化感所致二書言六駮皆用毛詩義郝氏懿行

王會篇箋釋

卷中

三

曰駮爲名六爲數二書俱將六駮爲名失之誣矣秋濤按茲白卽駮似馬酋耳卽騶虞似虎諸書所載甚明博物志言茲白之形與酋耳同濶二獸爲一非也浚儀引以爲說故附辨之

央本注一林以酋耳酋耳者身若虎豹尾長
身非參其身食虎豹
秋濤按央林一作史林又
一作夾林酋耳一作尊耳
長三尺其

孔氏曰央林一本作史林戎之在西南者王氏補注曰山

海經林氏國有珍獸大若虎五彩畢具尾長於身名

曰騶吾乘之日行千里注六韜云紂囚文王閔天之

徒詣林氏國求得此獸獻之紂大說乃釋之吾宜作

虞王氏自注劉芳詩義疏騶虞或作吾書大傳散宜生之於陵氏取怪

獸大不辟虎狼閒尾倍其長名曰虞注閒大也虞蓋
騶虞也周書曰英林酋耳於陵英林音相邇其是乎
淮南子散宜生得騶虞雞斯之乘

秋濤曰央林亦作英林與鄭康成所見本合卽於陵
也或本作夾林史林皆字形之譌耳海內北經六韜
皆作林氏國周書史記解云昔有林氏召離戎之君
而朝之至而不禮留而弗親離戎逃而去之林氏誅
之天下叛林氏卽此國也薛綜注文選左思賦
以林氏爲山名非是諸書

不言其國所在秋濤按央林當卽春秋時之械林央
與於於與械皆一聲之轉蓋央林國滅後地入于秦
爲械林地也左傳襄十四年諸侯之大夫伐秦濟涇

王會篇箋釋

卷中

四

而次鄭司馬子驕帥師以進師皆從之至于械林杜
注械林秦地不言所在或曰械林卽舊鄭咸林也在
今陝西直隸華州境江氏永顧氏棟高皆從之今按
左傳言濟涇之後師至械林史記秦本紀亦言晉悼
公敗秦軍秦軍走晉兵追之遂渡涇至械林而還是
械林地在涇水之西明甚攷涇水出今平涼府平涼
縣西東北流涇其縣北又東逕華亭縣東北又東逕
涇州北又東逕長武縣北又東逕邠州北又東南逕
涇化縣西又南逕永壽縣東又南逕醴泉縣東又東
南逕涇陽縣南又東南逕高陵縣西南入于渭按涇
水入渭之處東距華州尙二百餘里是華州境內並

無涇水。安得有械林。且諸侯之師既已渡涇而西。斷無忽又東至華州之理。下文載樂厲馬首欲東乃歸。則前此渡涇以後。皆向西行不向東歸可知。此亦足爲旁證。若華州則遠在渭南。雖東歸之師亦不經由其地。無論濟涇之師矣。然則械林究當在何地。曰。欲知械林之所在。當先知諸侯涉涇之所在。胡朏明云。涇水在今涇陽縣南七里。左傳成十三年晉師及秦戰于麻隧。秦師敗績。晉師濟涇。及侯麗而還。襄十四年。晉帥諸侯之師伐秦。濟涇而次。秦人毒涇上流。師人多死。卽此水也。按劉伯莊云。侯麗在涇陽縣境。按劉氏說最古最確。或以侯麗爲卽臨潼縣之驪戎國。是爲大謬。然則械林亦當在今

王會篇箋釋

卷中

五

涇陽縣西境。揆之當日行軍道里。正爲密合。王會央林與義渠相次。涇陽地北距甯州亦不甚遠。周書所稱林氏離戎。蓋亦壤接之國。離戎卽春秋之驪戎。在今臨潼縣東二十四里。與涇陽相距尤近。皆可互證。是央林於陵械林林氏皆爲一地矣。又按毛詩傳騶虞義獸也。白虎黑文不食生物。正義引鄭志張逸問傳曰。白虎黑文。又禮記曰。樂官備何謂答曰。白虎黑文。周史王會云。曲阜孔叢伯廣林。以王會無騶虞疑。今本之脫。按山海經海內北經。林氏國有珍獸。大若虎。五彩畢具。尾長於身。名曰騶吾。乘之曰行千里。郭璞注引周書曰。夾林。酋耳。酋耳若虎。尾參於身。食虎。

豹大傳謂之倭獸吾宜作虞也臧氏庸曰酋耳卽騶
虞酋與騶聲相近段氏六書音均表酋聲第三部騶
聲第四部畢校山海經依俗本周書改爲尊非是莊
氏葆琛曰耳當爲牙牙卽吾字秋濤按耳與牙隸字
極相似因而致誤毛鄭所見本必皆作酋牙今大傳
注作酋耳蓋後人轉依誤本周書改之非其舊也又
按今本王會多誤衍之文以諸書參校應作酋牙者
若白虎黑文尾參於身食虎豹爲是毛傳白虎上疑
奪若字蓋旣云騶虞義獸也而復云白虎如無若字
則文意煩複矣王會紀茲白云若白馬句法正與此
同又今本王會無黑文盧抱經學士以爲脫此二字

王會篇箋釋 卷中

是也又按周官鐘師鄭康成注鄭司農云騶虞聖獸
賈疏曰按異義今詩韓魯說騶虞天子掌鳥獸官古
毛詩說騶虞義獸白虎黑文食自死之肉不食生物
人君有至信之德則應之周南終麟趾召南終騶虞
俱稱嗟歎之是麟與騶虞皆獸名謹按古山海經鄒
書云騶虞獸說與毛詩同是其聖獸也秋濤按鄒書
卽周書鄒周音近而誤許君蓋引王會篇爲說鄭無
駁且引以注周禮則義與許同也其作鄭志答張逸
問直引周史王會爲說尤顯然可證近人有引儀禮
鄭注禮則從韓魯說答志則從毛說者及禮記射義
云騶虞樂官備也鄭注騶虞毛詩篇名樂官備者謂
騶虞曰壹發五犯喻得賢者多也于嗟乎騶虞歎仁
人也正義曰以犯喻賢也謂一發而得五犯猶若君

一求而得五賢以騶虞不食生物故云于嗟乎其仁人又儀禮鄉射禮鄭注騶虞國風召南之詩篇也射義曰騶虞者樂官備也其詩有一發五豝于嗟騶虞之言樂得賢者眾多歎思至仁之人以充其官又鄭志張逸問禮記曰樂官備何謂答曰備者取其騶虞五豝言多賢也合觀三書之說鄭意皆同其解以騶虞爲官名是鄭注禮亦不從韓魯所云鄭有二說者失於疑古本王會食虎豹下當有不食生物之未詳考也

文今本奪去也或云既食自死之肉則食虎豹三字當因上文茲白鋸牙食虎豹而誤衍庸之說此臧氏不知騶

虞性仁惡殺故于虎豹之嗜殺者則食之合乎殺以止殺之義故謂之義獸攷郭景純所引已有此三字其非誤衍甚明矣藝文類聚引景純騶虞讚云怪獸五彩尾參於身矯足千里儵忽若神是謂騶虞詩歎

王會篇箋釋

卷中

七

其仁

北唐

本注一有戎字

以閭閻似兪冠

一本作閭以兪冠

孔氏曰北唐戎之在西北者射禮以閭象爲射器王

氏補注曰山海經縣雍

王氏自注音養

之山

王氏自注今在晉陽縣西秋高

按山在今山西太原府太原縣西南十里

其上多玉其獸多閭注閭卽羴

也似驢而歧蹄角如靈羊一名山驢輝諸之山其獸

多閭荆山多閭女几之山多閭風雨之山多閭鄉射

禮於郊則閭中注閭獸名如驢一角或曰如驢歧蹄

北唐卽晉陽也詩晉謂之唐傳曰晉居深山戎狄之

與鄰

秋濤曰前已有唐叔而此復云北唐或疑非晉陽地

按左傳定四年子魚曰。命以唐誥而封于夏虛。啟以夏政。疆以戎索。是唐之封。本在戎境。叔虞既因故國爲唐侯。其北之戎國。亦自名爲北唐。如今之哈密。既有鎮守大臣。又自有哈密國王。正其比也。下文樓煩之戎。其地亦與晉陽相近。可爲互證。蓋此戎地在唐國之北。故命曰北唐爾。今山西太原府所屬之太原縣。治在府西南四十里。卽古唐國。北唐當在其北。與樓煩相接矣。爾雅釋畜。邢疏引竹書紀年曰。北唐之君來見驪馬。是生綠耳。今本紀年云。周穆王八年。北唐來賓獻一驪馬。是生綠耳。然則北唐地出良馬。所謂冀之北土馬所生者也。成王時貢閭者。閭亦馬屬。

也。儀禮鄭注引周書北唐作北堂堂。唐古字通用。山海經所載諸山多閭者。甚眾。按閭卽驢之異文。說文驢似馬長耳。驂驢子也。段氏曰。驢騾馱駞駟駟驢駟駟。太史公皆謂爲匈奴奇畜。本中國所不用。故字皆不見。經傳蓋秦人造之耳。今按說文肉部羸豨名。段氏云。蓋羸之古字。羸可畜于家。則謂之畜宜也。是羸之爲物。見于上古。故製字如羸羸羸羸之屬。皆从羸。有羸則有驢。不得謂爲秦人所製也。況諸字多見於爾雅。平安邱王大令筠說文句讀曰。爾雅釋獸。雖有驢字。而非主言驢。竊疑王會解之北唐。以閭卽此物也。周成王初得之。以爲異物。故大射禮有閭。中鄭注曰。

如驢一角或曰如驢歧蹄者後來蕃息遂有專字作驢反疑閩爲異物也秋濤按菴友以閩卽驢字說極是惟王會所紀不必異物若長沙鼈禽人菅之類遠方來獻則記之非皆中國所無也伏讀

御批

通鑑輯覽有曰驢父馬母而生騾騾非塞外所有以驢非塞外所有也今騾至塞外率多倒斃而馬則塞外之良產古之匈奴卽今之蒙古單于不乘馬而乘騾乃必無之事以是知史謂驢騾爲匈奴奇畜者蓋雖畜之而不能多故謂之奇畜與上文多馬牛羊爲對文非謂中原無驢騾也山海經載懸饗山多閩正在北唐境內北唐之貢閩以其所有爲貢不足異而

王會篇箋釋

卷中

九

此次所貢之閩有角似羊異于常閩故又特記之曰閩似踰冠若長沙所貢之鼈與中國所有者無異則不別言其形狀矣此古人屬詞之法也成王旣得有角之閩而大射儀因作其象爲射器以示服遠之義後人泥於閩中之形遂分閩驢爲二物耳初學記引廣志云驢羊似驢蓋別有此一種介在驢與羊之間者後世目爲驢羊古人則但謂之閩卽王會所載是已踰冠者郝氏懿行曰踰疑踰字之譌爾雅夏羊牡踰牝羖是也按踰冠蓋卽指解國之羊皮冠上戴其角與閩之戴角同形故舉以爲譬喻也或曰此文閩似踰下本無冠字涉上文解踰冠而誤衍彼言解國

獻羊皮冠當有冠字此言閭有角似踰義無取於冠不當言踰冠也攷郭注山海經閭卽踰也卽字乃似字之譌蓋郭引王會以說山海經之閭其時王會之踰尙未譌爲踰踰下亦無冠字足證今本之舛誤矣說亦近是爰附著之

渠叟以鼪犬鼪犬者露犬也能飛食虎豹一本作鼪犬考證詳後

孔氏曰渠叟西戎之別名也王氏補注曰禹貢渠搜

地理志朔方王氏自注今夏州有渠搜縣水經河自朔方東

轉經渠搜縣故城北西域圖記鉢汗國在蔥嶺之西

五百餘里古之渠搜國山海經馬成之山有獸如白

犬而黑頭見人則飛露犬蓋此類鼪權俱切王氏自注一作

王會篇箋釋 卷中

鼪之若切

秋濤曰按渠搜國見於禹貢搜漢書作叟與王會同

顏師古云叟讀曰搜是也傅氏寅云陸氏曰漢志朔

方郡有渠搜縣武紀云北發渠搜是也以余考之漢

朔方之渠搜非此所謂渠搜此亦當是金城以西之

戎也後世種落遷徙故漢有居朔方者若禹時渠搜

居朔方則不應浮積石陸說非也胡氏渭云按水經

河水自朔方東轉逕渠搜縣故城北注云禮三朝記

曰北發渠搜南撫交阯此以北對南禹貢之所云析

支渠搜矣誤始道元陸氏因之渠搜與交阯對舉則

不在朔方可知龜茲音邱慈王國治去長安七千四百

八十里。而上郡有龜茲縣。師古曰：龜茲國人來降附者。處之於此。故以名云。朔方之渠搜。亦此類也。涼土異物志曰：古渠搜國在大宛北界。隋書西域傳曰：鑿汗國都蔥嶺之西五百餘里。古渠搜國也。本裴矩西域圖記

渠搜之在西域。有明徵矣。據漢書大宛北與康居接。並在蔥嶺西。而異物志言渠搜在大宛北界。豈漢時康居部落。卽古渠搜之地歟。或曰鑿汗在蔥嶺之西。以爲渠搜。毋乃太遠。曰奚有於是。條支國臨西海。去玉門陽關四萬餘里。漢時猶且來獻。今鑿汗國都去長安不過一萬二千二百五十餘里。浮河而下。至平陽。則視長安又差近。何言太遠也。西域傳云康居國王治去長安萬二

王會篇箋釋

卷中

十一

千三百里。大宛國王治去長安萬二千五百五十里。古渠搜在大宛北界。道里當略同。又水經注引西河舊事曰：蔥嶺在敦煌西八千里。通典云：燉煌郡去西京三千七百五十五里。并蔥嶺西五百餘里。計之則鑿汗去長安一萬二千二百五十餘里。恰與秋濤按康居里數相符。其爲古渠搜國。又何疑焉。今伊犁西北哈薩克諸部落。卽古渠搜地。歲時朝貢。比於侯甸。蓋聖朝之德教遠矣。大戴記孔子對哀公稱虞舜夏禹成湯文王之德。皆云通於四海。海之外。肅慎北發。渠搜氏羌來服。蓋渠搜爲西方甚遠之國。故舉以明德化之極致也。戴氏震水地記曰：河源已南。唐吐蕃今西藏之境。古崑崙國在焉。積石已東北。今青海之境。古析支在焉。漢通大宛。西域踰蔥嶺而西。古渠搜在焉。三地大小諸國通稱西戎。繫于

雍州形勢蓋可得而詳也。又案鼪字盧學士文弼校

曰案廣韻鼪北教切能飛食虎豹正此是也說文鼪

胡地風犬王從李善注文選作鼪王融三月三日鼪

乃小鼠李注或字譌不可從也讀書雜誌王懷祖先

生曰案作鼪者是也海內北經曰鼪犬如犬而青食

人從首始注曰音陶或作鼪音鈞亦以作鼪者為是

說文鼪字解曰北方有鼪犬食人從虫句聲徐鉉音古厚切

即本於海內北經也彼言海內西北陬以東此言渠

叟彼言食人此言食虎豹地與事皆相近彼作鼪犬

是本字此作鼪犬是假借字故李善引作鼪犬而盧

以為字譌則未達假借之旨也鼪鼪字形相似故誤

王會篇箋釋

卷中

而為鼪鼪是鼠屬與狗犬無涉說文鼪胡地風鼠從

鼠勺聲不云風犬廣韻鼪鼠屬能飛食虎豹出胡地

其云鼠屬出胡地是也而又云能飛食虎豹則惑於

俗本周書之鼪犬而誤盧引廣韻能飛食虎豹而刪

去鼠屬二字又改說文之風鼠為風犬以牽合鼪犬

其失也誣矣

樓煩以星施

本注一作旄

星施者珥旄

本注文選注羽旄

孔氏曰樓煩北煩

當作或

地施所以為旄羽珥

一本作珥旄所

以為旄羽耳本注文選注

鄭玄曰可以為旄旗也 王氏補注曰匈奴傳晉北

有樓煩之戎伊尹朝獻商書正北樓煩地理志鴈門

樓煩縣故樓煩胡也

王氏自注故城在代州崞縣東趙世家主父出代西遇樓煩王

於西旄以旄牛尾山海經潘侯山有獸狀如牛而四節生毛名曰旄牛注背膝及胡尾皆有長毛爾雅犛牛旄牛也顏師古曰今謂偏牛揚雄甘泉賦流星旄以電爚荀子西海文旄

秋濤曰按樓煩始見於商初史記云晉北有林胡樓煩之戎又云趙武靈王北破林胡樓煩築長城自代並陰山下至高闕爲塞而置雲中鴈門代郡正義引括地志云趙武靈王長城在朔州善陽縣北陰山在朔州北塞外突厥界地理志云朔方臨戎縣北有連山險於長城其山中斷兩峰俱峻名爲高闕也秋濤按趙破林胡樓煩築長城以爲邊塞則長城以內地

王會篇箋釋

卷中

十三

半皆樓煩故壤矣唐朔州善陽縣卽今山西朔平府朔州治也又史云匈奴冒頓南并樓煩白羊河南王侵燕代悉復收秦所使蒙恬所奪匈奴地是樓煩國直至楚漢之間始爲匈奴所滅也史又云衛青擊胡之樓煩白羊王於河南遂取河南地築朔方蓋匈奴滅樓煩仍以其餘眾設樓煩王故又爲衛青所破然衛青所破之樓煩在黃河南爲今鄂爾多斯地趙取樓煩故地以高闕爲塞高闕在陰山西陰山在今吳喇忒旗西北地又跨乎河北蓋樓煩本戎國戰國時特爲強盛故地形寥濶若是西漢鴈門郡樓煩縣在今山西直隸代州崞縣東北宋崞縣與今治同此當爲樓煩

之都。史記正義引括地志云。嵐州樓煩胡地也。按唐嵐州又爲樓煩郡。在今山西太原府嵐縣北。亦古樓煩境內也。云星施者說文施字注曰。晉樂施字子旗。知施者旗也。段氏曰。自假施爲改而施从於之意隱矣。故明之王會訓施爲旄亦明从於之義。可補說文所未備。旄是旌旗之類。古以犛牛尾注竿首如斗童。童然故詩言于旄言建旄言設旄其字从於从毛以形聲兼會意望之。若星故曰星施。星旄其懸若珥故曰珥旄也。以犛牛尾注旗竿遂謂此旗爲旄因而謂犛牛尾曰旄。謂犛牛曰旄牛名之相因者也。禹貢兩言羽旄周官旄人旄舞皆謂犛牛尾曰旄也。王會之

王會篇箋釋

卷中

十四

旄亦猶是也。說文犛西南夷長髦牛也。犛犛牛尾也。此皆正字而經典罕用矣。徐星伯先生曰。今蘭州青海多旄牛。大與常牛等色。多青染其毛爲雨纓。

卜盧以紈牛。紈牛者牛之小者也。一本卜作十又牛上無紈字又一本紈作是紈非

孔氏曰。卜盧。盧人面。一無面字西北戎也。合盧水是。王氏

補注曰。牧誓微盧。彭濮人。注盧在西北。立政夷微盧。

烝括地志。房州竹山縣及金州古盧國。左氏傳有盧。

戎紈與綵同。詩有捋其角。捋曲貌。穀梁傳解角注。球

球然角貌。

秋濤曰。孔氏以卜盧爲西北之戎者。攷漢書西域傳。

戎盧國王治卑品城。去長安八千三百里。戶二百四十口。千六百一十。勝兵三百人。東北至都護治所二千八百五十八里。東與小宛南與婁羌西與渠勒接。辟今之南不當道。又曰。精絕國南至戎盧國四日行。按戎盧國地當在今土魯蕃之南和闐之東。以戎盧爲名。其卽古西戎舊國可知。又按史記衛將軍驃騎傳曰。元狩二年驃騎將軍將萬騎出隴西有功。天子曰。驃騎將軍率戎士踰烏盤。音討遼濮。索隱曰。遼音浩云。匈奴部落之名。按下有遼濮王。則是國名也。涉狐奴。水。名。過焉。支山千有餘里。斬盧胡王。張晏曰。盧胡國名也。又云。趙破奴再從驃騎將軍。斬遼濮王。封破奴爲從驃侯。按焉支山。括地志云。

王會篇箋釋 卷中

亦名刪丹山在甘肅刪丹縣東南五十里。唐刪丹縣卽今甘肅

甘州府山遼濮國在此山之南。盧胡國在此山之北。丹縣治

相去已千餘里。而戎盧國又在其西千里之外。蓋皆

古卜盧戎國。故壤。卜濮古字通用。遐荒地廣民稀。廣

袤動踰千里。不足爲異。地在中國之西北陬。故孔氏

云西北戎。牧誓之盧。注以爲在西北。核其地勢。俱密

合也。甘州有合黎水。疑卽孔注所云合盧水。黎訓爲

黑。盧亦訓爲黑。音義俱相近也。孔穎達書疏不解盧

在西北之義。乃云在蜀之西北。其說甚謬。至浚儀引

括地志及左傳之盧戎爲說。攷左傳桓十三年。羅與盧戎兩軍之。杜注盧戎南蠻。顧氏曰。其後地入于楚。

爲廬邑。

文十六年傳自廬以往振廩同食是也。

今湖北襄陽府南漳縣

東北五十里有中廬鎮卽其地。若唐之竹山縣卽今

鄖陽府竹山縣治。唐之金州卽今陝西興安府皆在

周之南方。按此上下文諸國咸居西北則南方之廬

列此非其次。今故不用其說而附辨于此焉。執字从

九與从丸之執不同。廣韻集韻並云執同綵。按執有

曲義亦有小義。曲義取與句口同音說文句曲也。口

相糾繚也。故凡从句从口之字多以曲爲訓。後儀所

引諸說是也。執與綵同。竊考凡从九从求之字多取

小義如爾雅某檄醜某檄者木實之絕小者也。又

王會篇箋釋

卷中

十六

卽椽子亦似栗而小以是推之疑周官牛人所謂求

牛亦指牛之小者而言也。牛人云凡祭祀共其享牛

求牛以授職人而芻之。鄭司農以享牛爲前祭。一日

之牛求牛爲禱于鬼神求福之牛。鄭康成則以享牛

爲獻神正祭之牛。求牛爲終事釋祭之牛。今按前祭

一日及正祭釋祭所用牛形狀無異似無須分別言

之疑。享牛指牛之大者宗廟之牛角握是也。求牛指

牛之小者天地之牛角繭栗是也。以其形大小不同

故區別言之。牛人擇于公牛之中而以授牧人充人

養之然後在滌三月而展牲告牲協乎至敬矣。

區陽以鼈封鼈封者若鼈前後有首

一本無下鼈封二字蓋淺人妄刪

孔氏曰區陽亦戎之名王氏補注曰盛引之荊州記
武陵郡西有陽山山有獸如鹿前後有頭常以一頭
食一頭行山中有時見之者

秋濤曰孔氏不言區陽所在浚儀引荊州記意以陽
山爲區陽按明史地理志貴州省黎平府有鷓陽土
司地在故武陵郡之西然皆南方之地非西戎也攷
鼈封卽山海經之井封經言井封在巫咸東欲知井
封之所在當先求巫咸之所在地理志云安邑巫咸
山在東漢安邑縣在今山西直隸解州夏縣北畢尙
書云巫咸山在夏縣是也巫咸旣地屬河東井封當
與相近今陝西延安府有區水延安正與河東爲鄰

王會篇箋釋

卷中

十七

壤然則產鼈封之區陽當卽區水之陽也疑山海經
本作井封在巫咸西輾轉傳寫偶誤西爲東耳西山
經云申山區水出焉而東流注于河水經注區水世
謂之清水隋書地理志金明有清水元和郡縣志云
清水俗名去斤水太平寰宇記謂之濯斤川金史地
理志謂之濯巾川水出今陝西安塞縣西北一百五
十里蘆關嶺南逕膚施延長宜川三縣入於河按區
水所經郡邑皆在西戎地與孔氏所云區陽亦戎之
名正爲密合是區陽卽爲今延安府地灼然無疑矣
云鼈封卽井封者攷海外西經井封在巫咸東其狀
如鼈前後皆有黑首畢注曰王會解云鼈封者若鼈

前後有首并鼈音之緩急疑卽此又大荒西經大荒之中有山名曰鑿鑿鉅日月所入者有獸左右有首名曰屏蓬郭注鑿音如敖屏蓬卽并封也語有輕重耳秋濤按鑿鑿鉅與區字俱一聲之轉區當讀若歐也日月所入卽西方也鼈并屏皆聲轉字異耳後世不聞有此物郭注并封云今弩弦蛇亦此類也爾雅云中有枳首蛇郭注歧頭蛇也或曰今江東呼兩頭蛇爲越王約髮亦名弩弦按弩弦蛇雖有兩頭然形非似髡海內經有神焉人首蛇身長如轅左右有首衣紫衣冠旃冠名曰延維人主得而饗食之伯天下郭注委蛇也齊桓公出田於大澤見之遂霸諸侯莊

周作朱冠也此亦蛇身而有兩首然非鼈封也大荒南經南海之外赤水之西流沙之東有獸左右有首名曰䟽踢郭注出狹名國黜惕兩音畢注曰莊子云西北之下者泐陽處之陸德明音義云司馬曰泐陽豹頭馬尾一作狗頭一云神名也呂氏春秋木味篇云伊尹曰肉之美者述蕩之擊高誘注曰獸名形則未聞案卽此是也又案䟽踢當爲述蕩之誤篆文是足相似故亂之玉篇有䟽踢無踢字郭注黜惕之惕亦當爲踢廣韻作䟽踢引此非也按䟽踢獸形兩頭或疑卽鼈封之異名誠亦近似然經言左右有首又與前後有首微別未可遽合爲一物矣郝氏懿行曰

或云并封卽兩頭鹿也後漢書西南夷傳云雲南縣有神鹿兩頭能食毒草注云見華陽國志晉常璩華陽國志云雲南郡蜀建興三年置有熊倉山神鹿一身兩頭食毒草唐陳藏器本草拾遺載蔡苴機兩頭鹿也胎中屎主敷惡瘡蛇虺毒段成式酉陽雜俎曰邪希兩頭鹿也夷謂鹿爲邪矢爲希蓋亦因其矢能療疾故以爲名方以智通雅云蔡苴機兩頭麋也出永昌郡博物志蔡余義獸似鹿兩頭其胎中屎四時取之蔡余義卽蔡苴機也月令廣義引博物志云雲南郡出茶首是兩頭鹿胎可治蛇虺毒以四月取之茶首音蔡茂按卽蔡苴機余與茶苴與首茂與義相

王會篇箋釋

卷中

十九

沿而譌升菴元美皆載茶首皆不知蔡苴之譌李時珍本草綱目亦載雙頭鹿云當作茶首機未知孰是按獸類前後有首者惟斯最著荊州記所言亦是此物或卽鼈封而方俗殊名未可知也

規規以麟麟者仁獸也

一本書及注俱作規矩非是又一本奪下麟字獸上奪仁字

孔氏曰規規亦戎也麟似鹿牛尾一角馬蹄也王氏補注曰爾雅麀麀身牛尾一角角端有肉陸璣疏云音中鐘呂行中規矩不履生蟲不踐生草王者至仁則出宋符瑞志成王時麒麟游苑

秋濤曰孔氏以規規爲戎者案規與邽古字通史記秦本紀云武公十年伐邽冀戎初縣之漢地理志隴

西有上邽縣。應劭曰。卽邽戎邑也。西山經有邽山。郭音圭。畢尙書曰。山在今甘肅秦州西北三十里。秦有邽戎。漢有上邽縣。其爲字从邑。山以邑名也。邽戎其在上古乎。或曰。山經邽山不聞出麟。恐非此也。不知麟鳳本非常有之物。爲聖人而出。邽戎得而獻之。卽爲周之瑞矣。卽如海水不波。越裳氏知中國有聖人。亦此義也。下文西申之貢鳳鳥亦然。又按詩麟之趾。毛傳曰。麟信而應禮。春秋哀十四年。西狩獲麟。公羊傳曰。麟者仁獸也。禮記禮運曰。麟鳳龜龍謂之四靈。按經典多作麟。爾雅作麇。說文麇牝麒也。麒仁獸也。麇身牛尾一角。按說文以麟爲大牝鹿。則麇是本字。

麟乃假借字也。大戴禮記易本命云。有毛之蟲三百六十。而麒麟爲之。長禮記疏引京房易傳云。麟麇身牛尾。馬蹄。有五彩。高丈二。又引服虔左傳注云。麟中央土獸。土爲信。信禮之子。修其母。致其子。視明禮修。而麟至。陸璣疏又云。今并州界有麟。大小如鹿。非瑞應麟也。故司馬相如賦曰。麇脚麟謂此麟也。按相如賦所云。卽大牝鹿之麟。故王會特記之曰。仁獸所。以示靈物。應符不侔。恆品也。又按詩毛氏春秋左傳。服氏皆以麟爲信獸。公羊氏則以爲仁獸。二說不同。五經異義許慎謹按。龍東方也。虎西方也。鳳南方也。龜北方也。麟中央也。是異義謂麟爲信獸。從毛服說。

矣而說文則云仁獸蓋異義早成說文晚定用公羊說以其角端戴肉不履生蟲不折生草也以王會證之則性仁之說當爲定論矣

西申以鳳鳥鳳鳥者戴仁抱義掖信歸有德

一本無歸有德三字

孔氏曰其形似鶴

一作雞

蛇首魚尾戴仁向仁向仁國

抱義懷有義掖信歸有信也

一作歸有德之君也

王氏補注曰

爾雅鳳一名鷗注雞頭蛇頸燕頤龜背魚尾五彩色高足六尺許山海經丹穴之山有鳥其狀如雞五采而文名曰鳳皇首文曰德翼文曰義背文曰禮膺文曰仁腹文曰信自歌自舞見則天下安寧說文神鳥也天老曰鳳五色備舉出於東方君子之國見則天下

王會篇箋釋

卷中

三

下大安寧古作勗象形鳳飛羣鳥從以萬數故亦以爲朋黨字禽經青鳳謂之鶡赤鳳謂之鶡黃鳳謂之鸞白鳳謂之鸞紫鳳謂之鸞蔡邕琴操成王時天下大治鳳凰來舞於庭成王乃援琴而歌曰鳳皇翔兮於紫庭余何德兮以感靈淮南子曰三皇鳳至於庭三代鳳至於澤德彌澆所至彌遠德彌精所至彌近秋濤曰西申孔氏王氏皆不言所在今攷西山經有申山區水出焉畢尙書注疑卽陝西安塞縣北蘆關嶺區水所出也又有上申之山畢注曰疑卽米脂縣北諸山也又有申首之山申水出于其上潛于其下畢注曰按其道里當在榆林府北塞外今有海子山

是歟。按榆林在北，米脂在東，安塞在西，相距皆在數百里之內。其山皆以申名。惟安塞之申山最在于西，殆卽西申也。此山以南，旣爲古區陽國地，則西申國當在山的北，爲今鄂爾多斯右翼前旗境，卽古夏州也。地與岐山相近。周初鳳集岐山，疑亦集于西申。故其國得而獻之，攷其地域亦屬西戎。上文規規下文氏羌，皆西戎國，比類觀之，可見矣。禮記禮器云：升中于天，而鳳皇降，論語鳳鳥不至，孔安國注云：升中于天，則鳳鳥至。書君奭：我則鳴鳥，不聞書傳及鄭氏馬氏，皆以鳴鳥爲鳳。孔穎達疏曰：詩卷阿鳳皇鳴矣，鄭云：時鳳皇至，故以喻焉。大雅正經之作，多在周公攝政。

王會篇箋釋

卷中

三

後成王卽位初時，已鳳皇至矣。復言此者，恐不復然。故戒之。周語曰：周之興也，鸞鸞鳴于岐山。韋昭曰：三

君云鸞鸞鳳之別名也。

按說文云：鸞鸞鳳屬神鳥也。引國語證之，解與韋注小異。

劉達曰：鸞鸞鳳，雜也。說又異。

詩云：鳳皇鳴矣，于彼高岡。其在岐山

之舊乎？三君者，賈逵、虞翻、唐固也。後漢書賈逵傳云：

武王終父之業，鸞鸞在岐。李賢注：鸞鸞鳳別名也。然

則文武之時，屢有鳳瑞。今冲人卽政，故恐其不復聞

也。王氏鳴盛曰：攷公劉、洞酌、卷阿三詩序，皆以爲召

康公。戒成王、公劉、箋云：周公反政，成王將泄政，召公

與周公相成，王爲左右，召公懼王不留意治民，故作

詩美公劉以戒之。此與君奭序合，然則君奭與公劉

同時作也其下又隔河酌然後繼以卷阿箋云因時鳳至故以喻焉是鳳至在成王卽政後甚久上距作君奭時多年矣周公作書以鳳至期召公其後果獲此祥故召公作詩述之道相符應彼國語言鳴于岐山自是文王時三君乃以卷阿所云當之其說固謬此經疏又以卷阿爲成王初卽位作其時已有鳳至今周公慮鳳不再至故又言此亦與鄭不合皆非也今按西申貢鳳正在成王時與卷阿之鳳至必非一事然則聖王治世感致休祥固不一足足矣又案王會止言戴仁抱義掖信歸有德未言有文也山海經則言首翼背膺腹之文其說益奇畢注曰言首有文

王會篇箋釋

卷中

三

是歸有德翼有文是歸有義背有文是歸有禮下悉同也非云有文在其身曰德曰義也又按山海經言鳳其狀如雞而史記正義文選注藝文類聚初學記引山海經並作其狀如鶴薛綜注東京賦引作鶴鶴亦鶴也此王會孔晁注所本通觀諸說似以作鶴爲是說文云天老曰鳳之象也鴻前鸞後蛇頸魚尾鶴頸鴛思龍文龜背燕頤雞喙五色備舉出於東方君子之國翱翔四海之外過崑崙飲砥柱濯羽弱水莫宿風穴見則天下大安靈藝文類聚引景純圖讚云鳳皇靈鳥實冠羽羣八象其體五德其文附翼來儀應我聖君

氏羌以鸞鳥一本作其羌注中
氏字皆作其非是

孔氏曰氏羌地羌不同故謂之氏羌今謂之氏鸞文

於鳳一作大於
鳳誤也亦歸於仁義者也王氏補注曰商頌

自彼氏羌牧誓羌髡說文西方羌从羊地理志隴西

有氏道羌道氏夷種名羌卽西域媯羌之屬括地志

隴右岷洮叢等州西羌也黃氏曰羌古姜姓三苗之

後居三危爾雅疏戎類曰耆羌山海經氏羌乞姓賈

捐之曰成王地西不過氏羌山海經女牀之山有鳥

狀如翟而五彩文名曰鸞鳥見則天下安寧說文鸞

赤色五采雞形鳴中五音頌聲作則至成王時氏羌

獻焉王氏自注漢蔡衡曰凡象鳳者五多青
色者鸞徐鍇曰鸞似鳳而青與說文異瑞應圖

王會篇箋釋 卷中

鸞鳥赤神之精鳳皇之佐尙書中候周公歸政於成

王太平制禮鸞鳥見王氏自注禽經鸞鳴嗶嗶鳳鳴
嗶嗶淮南子羽嘉生飛龍飛龍

生鳳皇鳳
皇生鸞鳥

秋濤曰大戴禮記孔子對哀公述虞舜夏禹成湯文

王之治皆云海外肅慎北發渠搜氏羌來服是氏羌

自虞時已爲建國說文羌西方牧羊人也詩鄭箋云

氏羌夷狄國在西方孔氏曰氏羌之種漢世仍存其

居在秦隴之西李巡說耆羌爲西戎之一耆羌卽氏

羌也海內經曰伯夷父生西岳西岳生先龍先龍是

始生氏羌此氏羌之先也竹書紀年成湯十九年氏

羌來貢武丁三十四年氏羌來賓曹氏曰成湯之時

氐羌之國。近者以時聘享。遠者亦來終王。氐羌自謂此湯之典常也。武王伐紂。羌髻會于牧野。蓋氐羌密邇豐鎬。資其力以滅殷。與他要荒之國不侔矣。史記匈奴傳。西接氐羌。索隱曰。按風俗通云。二氐本西南夷種。地理志。武都又白馬氐。又魚豢魏略云。漢置武都郡。非其種人。分竄山谷。或號青氐。或號白氐。按海內經。謂氐羌乞姓。而續漢書云。羌三苗姜姓之別裔。徙于三危。未詳孰是。史記西南夷傳。自驪以東北。君長以十數。白馬最大。皆氐類也。後漢書有西羌傳。自後事跡。詳載史冊。秋濤按。氐羌地域最廣。如浚儀所舉漢之氐道。在今甘肅直隸秦州清水縣西南。羌道

王會篇箋釋

卷中

二五

在今甘肅直隸階州西北一百六十里邊外。括地志所云岷州。卽今甘肅鞏昌府岷州是。洮州在今鞏昌府洮州廳西南七十里。叢州當在今四川境。又王氏詩地理考曰。疊宕松諸州皆羌地。按疊州在今岷州廳邊外南二百里。宕州有二。屬隴右道者在今岷州西南。屬劍南道者在今四川直隸茂州西南。又按西漢匈奴道。屬廣漢郡。在今階州文縣西。又剛氐道。亦屬廣漢郡。在今四川龍安府平武縣東。又湍氐道。屬蜀郡。在今龍安府松潘廳西北。又破羌縣。屬金城郡。在今甘肅西甯府碾伯縣西。又臨羌縣。亦屬金城郡。在今西甯府西甯縣西。以上皆氐羌地之尤著者也。

大抵今甘肅西南四川西北青海之地。皆古氐羌出沒之所。西羌傳謂其所居無常。依隨水草。蓋與匈奴行國同俗。秦厲共公時。羌無弋爰劍居河湟閒。秦獻公時。爰劍孫卬南出。賜支河曲西數千里。與眾羌絕遠。不復交通。其後子孫或爲犛牛種。越嶲羌是也。或爲白馬種。廣漢羌是也。或爲參狼種。武都羌是也。凡此皆輾轉流徙。非復氐羌故地。或概指爲古氐羌。斯爲乖矣。山海經郭璞注云。舊說鸞似雞瑞鳥也。周成王時。西戎獻之。按西戎卽指氐羌。畢尙書曰。薛綜東都賦注曰。女牀山在華西六百里。考地理諸書。山無所見。按其道里。或卽鳳翔府岐山縣岐山也。秋濤按。雞蓋卽鸞也。岐山以西。迫近西戎。故女牀之鸞。氐羌得以爲獻。古人謂鈴爲鸞。蓋象其聲也。

巴人以比翼鳥

孔氏曰。巴人在南者。比翼鳥。二字非不比不飛。其名

鵜鶘。王氏補注曰。左傳注。巴國在巴郡江州縣。自注

今渝州巴縣。秋濤按。卽今四川重慶府附郭巴縣是。郡縣志。渝州古巴國也。閬

白二水東南流。曲折如巴字。故謂之巴。武王伐殷。巴

人助焉。其人勇銳。歌舞以凌殷。郊後封爲巴子。其地

東至魚復。西犍道接漢中。南極牂柯。王氏自注。巴子城在合州石鏡

縣南。山海經後照始爲巴人。爾雅南方有比翼鳥焉。

王會篇箋釋 卷中

不比不飛其名謂之鵜鵜注似鳧青赤色山海經崇
吾之山有鳥其狀如鳧而一翼一目相得乃飛名曰
蠻蠻見則天下大水注比翼鳥也南山在結匈東南
比翼鳥在其東其爲鳥青赤兩鳥比翼管仲曰西海
致比翼之鳥王氏自注曰注山海經其名曰鸞瑞應
圖王者德及高遠則至王嘉拾遺記成王時燃邱國
獻之狀如鵲而多力張華以爲一青一赤在參嵎山
秋濤曰按海內經云西南有巴國大皞生咸鳥咸鳥
生乘釐乘釐生後照後照是始爲巴人注爲之始祖
也海內南經云夏后啟之臣曰孟涂是司神于巴巴
人訟于孟涂之所其衣有血者乃執之竹書紀年云

王會篇箋釋

卷中

三七

帝啟八年使孟涂如巴莅訟是其事也晉常璩華陽
國志巴志曰人皇始出兄弟九人分理九州爲九囿
華陽之壤梁岷之域是其一囿囿中之國則巴蜀矣
其君上世未聞五帝以來黃帝高陽之支庶世爲侯
伯周武王伐紂實得巴蜀之師著乎尚書巴師勇銳
歌舞以凌般人倒戈故世稱之曰武王伐紂前歌後
舞也武王旣克殷封其宗姬于巴爵之以子古者遠
國雖大爵不過子故吳楚及巴皆曰子春秋桓九年
巴子使韓服告楚請與鄧爲好楚子使道朔將巴客
聘鄧鄧南鄙攻而奪其幣巴子怒伐鄧敗之其後巴
師楚師伐申莊十八年巴伐楚克之文十六年巴與

秦楚共滅庸。哀十八年。巴人伐楚。敗於鄴。是後楚主夏盟。秦擅西土。巴國分遠。故於盟會希與。戰國時嘗與楚婚。及七國稱王。巴亦稱王。周顯王時。楚國微弱。秦惠文王與巴蜀爲好。蜀王弟苴稱親於巴。巴蜀世戰爭。周慎靚王五年。蜀王伐苴侯。苴侯奔巴。巴爲求救於秦。秦遣張儀司馬錯救苴巴。遂伐蜀。滅之。儀貪巴苴之富。因取巴。執王以歸。置巴郡。又曰。巴子都江州。縣名。卽今巴縣。或治墊江。或治平都。後治閬中。一統志云。漢仍爲巴郡。治江州縣。屬益州。後漢因之。獻帝初平元年。征東中郎將安漢趙穎建議。分巴爲二郡。穎欲得巴舊名。故曰益州牧劉璋以墊江以上爲巴郡。龐

王會篇箋釋

卷中

羲爲太守。治安漢。以江州至臨江爲永寧郡。胸臆至魚復爲固陵郡。建安六年。魚復蹇肩白璋爭巴名。乃改永寧爲巴郡。以固陵爲巴東。徙羲爲巴西太守。是爲三巴。其巴郡。歷蜀漢晉宋齊。俱爲巴郡。至隋初廢郡。改曰渝州。唐曰渝州南平郡。宋崇寧初。改爲恭州。紹熙初。升爲重慶府。元改爲重慶路。明仍爲府。卽今四川重慶府是也。又按自古言巴江者不一。三巴記云。閬白二水南流。曲折三面如巴字。則專指嘉陵江。太平寰宇記所謂巴江。則在通江縣界。皆不以巴州之水爲巴江也。元豐九域志。始言化成縣有巴江。自後遂獨以南江派水當之。與古說異。文獻通考。巴州

巴江自古集州來派於郡治之右。狀如巴字。又曰字江。輿地紀勝。北江至巴州城東南分爲三流。其中有小流橫貫成巴字。故以爲名。一統志曰。南江縣巴江卽古宕渠水也。秋濤按說文。巴象蛇形。蜀訓爲蟲。巴蜀皆自古建國。蓋因其地所有之物爲名。如胸臆縣。因其地多胸臆蟲。卽以爲名。正是其例。所稱江學字流之說。不足據也。又按西山經言崇吾山有蠻蠻之鳥。郝氏懿行曰。博物志云。崇邱山有鳥一足一翼。一目相得而飛。名曰蛮。又云。比翼鳥一青一赤。在參隅山。今案蛮蠻聲之轉。參隅崇邱亦聲之轉也。秋濤按崇吾之山。博物志及史記索隱俱引作崇邱。昔人未詳所在。今按西山經載崇吾山西北三百里曰長沙之山。泚水出焉。北流注于泚水。泚水卽泚澤也。又西北三百七十里曰不周之山。在今新疆之地。以此攷之。則崇吾之山亦當在新疆與泚澤附近。管仲所云。西海當據山經而言。固不誤也。王會巴人所獻。則又產於蜀地者。巴在西南。故爾雅又以爲南方有比翼鳥也。至王嘉拾遺記。則皆荒誕之說耳。不足徵信。

方揚以皇鳥

揚一本
作場

孔氏曰方揚

一作

亦戎別名。皇鳥配於鳳者也。王氏

補注曰。爾雅鳳其雌。皇符瑞志其鳴。雄曰節節。雌曰足足。詩鳳皇鳴矣。于彼高岡。荀子詩曰。鳳凰秋秋。其

王會篇箋釋 卷中

翼若干其聲若簫

秋濤曰。孔氏知方揚亦戎別名者。蓋以方揚爲揚戎也。左傳僖十一年。揚拒泉皋。伊雒之戎。同伐王城。江氏曰。揚拒泉皋。在今河南府境。按文八年。公子遂及雒戎盟于暴。國語北有洛泉徐蒲。知此戎種類不一。然其始當在西方。非居于伊雒也。攷秦晉遷陸渾之戎于伊川。其戎始居瓜州。卽漢燉煌郡。今甘肅直隸安西州地。自瓜州遷于伊川。計道途數千餘里。以是推之。揚拒泉皋之戎。蓋亦自西方遷至者。成王時入貢。當是戎居西方未遷時也。隋書地理志。有符陽縣。屬梁州清化郡。在今四川保寧府通江縣北七十里。

王會篇箋釋

卷中

三十一

按符與方一聲之轉。疑符陽或卽古方揚地。未可知也。又按大荒西經。芒山有五彩鳥三名。一曰皇鳥。一曰鸞鳥。一曰鳳鳥。按芒與方揚音近。疑卽一地。或曰大荒西經。西有王母之山。有沃之國。沃民是處。沃之野。鳳鳥之卵。是食甘露。是飲凡。其所欲其味。盡存爰有甘華。甘祖。白柳。視肉。三騅。璇瑰。瑤碧。白木。琅玕。白丹。青丹。多銀鐵。鸞鳥。自歌。鳳鳥。自舞。按王母與方揚聲亦相近。又疑方揚卽王母山。故有皇鳥也。爾雅皇鳥黃鳥。邵

氏晉通注疑卽王會之皇鳥。此前人所未言者。存以備攷。

蜀人以文翰文翰者若皋雞

孔氏曰。鳥有文彩者。皋雞似鳧。冀州謂之澤特也。皋

一作皇王氏補注曰蜀見于牧誓華陽國志蜀之先
肇於人皇之際黃帝爲子昌意娶蜀山氏後子孫因
封焉寰宇記蠶叢始稱王次曰柏灌次曰魚鳧其後
杜宇號望帝以褒斜爲前門熊耳靈關爲後戶玉壘
峨眉爲池澤禪位於開明白開明而上至蠶叢凡歷
千歲秦以其地爲蜀郡王氏自注今成都府秋濤
按卽今四川成都府是爾
雅翰天雞注翰彩赤羽逸周書曰文翰若彩雞成王
時蜀人獻之說文翰天雞赤羽也逸周書文翰若翬
雉一名鷓風周成王時獻之翰雉肥翰音者魯郊以
丹雞祝曰以斯翰音赤羽去魯侯之咎

秋濤曰按黃帝爲子昌意娶蜀山氏女生子帝嚳封

王會篇箋釋

卷中

三

其支庶于蜀世爲侯伯周慎靚王五年秦使張儀司
馬錯伐蜀滅之置蜀郡焉又按爾雅翰天雞从鳥此
篇文翰从羽按說文羽部翰天雞赤羽也引逸周書
文翰若翬雉云云鳥部翰雞肥翰音者也雞肥本作
雉肥翰音
本作翰音今
從段本改正魯郊以丹雞云云然則翰字本訓爲雞
之肥者翰字則訓爲天雞王會文翰卽天雞是也爾
雅今本作翰乃假借字耳釋文翰本又作翰樊云一

名山雞按山雞雖赤羽復無天雞之名山雞卽鷓鷯

鷩雅釋名所說是也郝氏懿行曰今所謂天雞出蜀

中者背文揚赤膺文五彩爛如舒錦一名錦雞未知

卽爾雅所釋否也秋濤按此雞旣蜀產又有文彩與

爾雅王會俱合其爲文翰無疑又按爾雅有翰雉鶉
雉說文分爲二故云雉有十四種郭璞注則謂一物
二名卽白雉也西山經嶧冢之山鳥多白翰赤鶩注
白翰白鶉也亦名鶉雉又曰白雉北山經單張山有
鳥其狀如雉而文首白翼黃足名曰白鶉郭音夜畢
尙書曰此卽爾雅鶉雉郭云今白鶉也江東呼白翰
亦名白雉是也北次二經謂之白鶉鶉音同古無
此字皆後人以聲合之秋濤按爾雅之翰卽今之鶉
字後世所稱白鶉卽白翰字亦作翰鶉與此文翰爾
雅作鶉者不同故附列之又爾雅鶉雉字从卓郭注
今白鶉也江東白鶉釋文鶉丁罩切至西山經郭注
之白鶉乃白鶉之省字體相似而音讀迥異所宜詳
辯者也

王會篇箋釋

卷中

三

方人以孔鳥

孔氏曰方人亦戎別名孔與鸞相配者一作孔與王鸞相匹也王
氏補注曰東夷傳九夷有方夷竹書紀年少康卽位
方夷來賓孔雀生南海蓋鸞鳳之亞藝文類聚引周
書曰成王時西方人獻孔雀山海經南方多孔鳥春
秋元命苞火離爲孔雀異物志大如鴈而足高細頸
龍背似鳳自背及尾皆珠文五彩光耀長短相次羽
毛末皆員文五色相繞頭戴三毛長寸以爲冠足有
距迎晨則鳴相和人指其尾則儻交州記色青尾長

六七尺能舒舞足爲節

王氏自注漢南
粵獻孔雀二雙

秋濤曰孔氏云方人亦戎別名蓋因王會列於巴蜀之次故知其爲西戎浚儀引東方之方夷釋之非也詩小雅往城于方毛傳曰方朔方近獫狁之國也朱子曰今靈夏等州之地又侵鎬及方鄭箋曰鎬也方也皆北方地名朱子曰方疑卽朔方也按朔方之方地在西北與巴蜀絕遠又孔雀爲炎方之禽其性畏寒未聞朔方曾有是鳥則南仲所城之方與王會之方蓋同名異地矣以今參攷諸書方人當卽鬼方易高宗伐鬼方詩大雅內巽於中國覃及鬼方毛傳曰鬼方遠方也大戴禮帝繫曰陸終娶於鬼方氏漢書

王會篇箋釋

卷中

三三

匡衡傳曰成湯化異俗懷鬼方又五行志注曰鬼方絕遠之地一曰國名文選注引世本注曰鬼方於漢則先零戎是也後漢西羌傳曰武丁伐西戎鬼方要之武丁旣伐鬼方則鬼方自是國名不得以遠方概之世本注西羌傳皆以鬼方爲西戎卽孔氏晁所稱方人爲戎別名者也然所云先零卽氏羌王會上文已有氏羌則鬼方自別是一種竹書紀年云武丁三十二年伐鬼方次于荆三十四年王師克鬼方以此推之鬼方當在荆之外徼故伐鬼方必先次於荆矣一統志云貴州布政使司禹貢荆梁二州外徼商周爲鬼方地是也今貴州貴陽府屬有方番長官司在

定番州南八里。元置方番河中府安撫司。爲八番之一。是方番之名。其來已久。方人或卽其地。未可知也。又按劉逵注蜀都賦云孔雀特出永昌南涪縣。又注吳都賦云孔雀尾長六七尺。綠色有華彩。朱崖交阯皆有之。在山草中秋濤。按永昌卽今雲南永昌府。爲古濮人地。朱崖今廣東瓊州府崖州。交阯今越南方人在貴州。與此諸地皆近。故得孔雀以爲貢。楚辭云實孔鸞之所居。又云鸞皇孔鳳。日以遠兮。又云孔雀盈園。畜鸞皇。只是古人多以鸞孔並稱。故孔氏云與鸞相配也。

卜人以丹砂

本注一作沙

王會篇箋釋

卷中

三五

孔氏曰卜人西南之蠻丹砂所出。王氏補注曰太平御覽卜人蓋今之濮人也。伊尹爲四方獻令。正南百

濮牧誓注。濮在江漢之南。爾雅南至於濮。鉛郡國志

越嵩會無縣。華陽國志曰故濮人邑。

秋濤按漢會無縣今四川甯遠

府會理州治

左氏傳巴濮吾南土也。劉伯莊曰濮在楚西

南。鄭語楚蚘冒始啟濮。永昌郡傳曰雲南郡多夷濮。

秋濤按晉宋雲南郡在今雲南大理府雲南縣北十里。非今之雲南府也。禹貢荊州貢丹

山海經柅山多丹粟。注細丹砂如粟。荀子南海有丹

干本草丹砂生符陵山谷。

王氏自注今出辰宜階州而辰最勝多出錦州界狹

獠職方氏荊州其利丹銀

秋濤曰按杜佑通典引王會卜人而釋之曰卜人蓋

近麋當在楚西北。張平子賦所謂巴中之濮，稍爲近之。張平子蜀都賦云：於東則左緜，巴中百濮所充注。今巴中七姓有濮，江氏曰：此又別一濮，蓋百濮之散處。遂有疑雲南之濮非古濮人者，不知濮之本國

實在雲南，而其境土之廣，則東至曲靖，西逾永昌，北極會理，凡數千里。自會理之東北，抵巴之東，楚之西山谷之閒，蓋往往有濮之種類，以其多不可紀，謂之百濮。猶越封東南，本國實在會稽，而春秋時西境至江西之鄱陽，秦漢閒百越之地，直包閩廣，不得執一以相疑也。當商之初，百濮散處，故伊尹四方令稱百濮，及商末周初之時，雲南之濮，蓋嘗會合于一，爲強盛之國，是以武王誓師，特舉以布告多方，而成王時

王會篇箋釋 卷中

又修職貢，皆言濮人而不稱百濮，則其合爲一國明矣。此猶唐時六詔之合爲一詔也。至春秋時，濮勢亦盛，能爲楚患。鄭語：史伯曰：叔逃難于濮，而蠻又曰：楚蚡冒始啟濮。韋昭注：濮南蠻之國。皆楚濮相逼之證。故昭元年，晉人謂楚曰：吳濮有釁，楚之執事，豈其顧盟。明楚之於濮，不能不用兵也。吳之疆域，東極于海，而西與楚接。凡數千里，濮之疆域，西逾永昌，而東北與楚接壤，亦數千里，事勢固然，無足異者。其東北近楚之邑落，

北鄰庸之魚邑。卽今夔州府。西際巴之江州。卽今重慶。當在今湖北宜昌施南以西，四川夔州以南，重慶以東，沿江之地，石砮等廳，蓋其故壤。其地距雲南之濮國本境

既遠。又皆小小部落。故仍謂之百濮。文十六年。麋人
率百濮以伐楚。及楚出師。則皆罷去。爲賈所謂百濮
離居。將各走其邑者。正謂是也。昭十九年。楚子爲舟
師以伐濮。亦因其沿江。故可用舟師以伐之也。至戰
國時。濮國無聞。而巴人七姓中有濮。蓋巴強盛。因并
吞濮人之近巴者。其雲南之濮。亦自衰微。而種類尙
存。後莊躑伐滇。諸夷服屬。百濮當亦在其中。史闕略
而不言耳。至晉宋時。濮地在版圖之中。故能備紀其
風俗。如諸書所云也。爾雅。南至於濮鉛。謂之四極。郭
注。皆四方極遠之國。不言所在。邵氏晉通引百濮證
之。按廣韻。濮字注曰。濮鉛南極之夷。尾長數寸。巢居

王會篇箋釋

卷中

三七

山林。出山海經。今經無此語。太平御覽七百九十一
卷。載永昌郡傳曰。郡西南千五百里。徼外。有尾濮。尾
若龜形。長四五寸。欲坐輒先穿地空以安其尾。若邈
逅誤折尾。便死。扶南土俗傳曰。拘利東有蒲羅中人
人皆有尾。長五六寸。按其地並西南蒲羅。蓋尾濮之
地名也。秋濤按。蒲卽濮也。御覽七百八十七卷。又有蒲羅中國卽此。又引永昌郡
傳曰。雲南郡在建甯南。治雲南縣。亦多夷濮。分布山
野。大小蹲踞道側。皆持數種器仗。時寇鈔爲郡邑之
害。又引郭義恭廣志曰。木綿濮土有木綿樹。又有文
面濮。折腰濮。赤口濮。又墨熒濮。在永昌西南。山居。其
境出白蹄牛。馬犀象。武魄金銅華布。又梁祚魏國統

曰西南有夷名曰濮。其地出瑇瑁犀象珠璣金銀葛
越人皆蠻夷重譯乃通也。合觀諸說足見濮之地廣
類繁矣。又按南山經雞山其上多金。其下多丹。腹黑
水出焉。而南流注于海。郝氏懿行曰雞山今在雲南
郡國志云永昌郡博南界出金。劉昭注引華陽國志
云西山高三十里。越得蘭滄水有金沙。今按博南西
山疑卽雞山。蘭滄水卽黑水矣。案雞山出丹。正永昌
卽古濮人之堅證。唐書南蠻傳永昌蠻西有樸子蠻
以青娑羅爲通身袴。善用竹弓。入林射飛鼠。無不中
者。無食器。以蕉葉藉之。人多長大趨悍。負排持稍而
鬪。滇程記以爲卽蒲蠻。通志百夷卽爨夷。又名蒲蠻。

王會篇箋釋

卷中

三六

一統志蒲關亦曰蒲蠻關。在保山縣南三十里。滇略
蒲人散居山谷無定所。鳳池施甸二司。及十五哨二
十八寨。皆其種也。秋濤按蒲濮樸俱一聲之轉。此種
名百夷。又曰蒲蠻。卽百濮也。曲靖會無有濮人而無
丹砂。辰沅等處有丹砂。而非濮地。惟永昌有濮人。有
丹砂。則王會之濮人。卽今永昌府地無疑。

夷用闌木

一本木
作采誤

孔氏曰夷東北夷也。木一作采誤生水。中黑色。而一作面誤光。

其堅若鐵。王氏補注曰山海經夷人在東胡東。崔豹

古今注烏文木出波斯國。集韻闌木名。王氏自注南
茲消切

芳草木狀文木樹高七八丈。色正黑如牛角。

秋濤曰。孔氏以夷爲東北夷。非也。說文以夷爲東方之人。海內西經載大澤在鴈門北。東胡在大澤東。夷人在東胡東。故孔以爲東北夷。信如其說。則王會不應列於巴濮之後矣。按諸史多稱西南夷。是西南亦有夷名。不得概指爲東北也。今按此夷。當卽波斯二字。音與夷字近也。瀛寰志略曰。波斯亦作白西。亦作包杜。亦作巴社。亦作高奢。亦作百爾設。亦作法耳西。亦作北耳西亞。亦作巴爾齊亞。亦作伯爾西亞。亦作伊蘭。亦作哈烈。亦作黑魯。亦作塞克。回部大國也。粵東呼爲大白頭。呼印度爲小白頭。兩地皆有白布纏頭之俗。因以爲名者也。東北連沙漠界布哈爾。東界

王會篇箋釋

卷中

三九

阿富汗俾路芝。西接東土耳其。北抱裏海。與俄羅斯接壤。南抵阿勒富海。與阿刺伯毗連一隅。其國地界遼闊。長約四千餘里。廣約三千餘里。雄富多寶貨。與中國貿易最早。所謂碧眼波斯胡也。又曰。波斯開國最早。漢書稱爲安息。唐書稱大食。波斯泰西則稱爲波斯。至今未改。或譯爲包社。白西。亦猶是波斯轉音。元人稱爲哈烈。乃以蒙古語更易地名。其國在布哈爾之西南。愛烏罕之正西。並非絕域。其人長於服賈。西域諸城。亦必往來數數。而近來記西域事者。絕無一語及於波斯。蓋賈人止稱城邑聚落之名。記事者因譌襲謬。遂不復知爲何國耳。按泰西人自記波斯。

立國在有夏之初。卽名波斯。漢書作安息。蓋譯語稍異。息與斯音相近也。方以智通雅曰。闌木卽烏木也。古今注云。烏文木出波斯船上。將來烏文闌然。温括婺等州亦出之。吳都賦文穰槿樞注。文木也。材密緻。無理性。色黑如水牛角。日南有之本草綱目曰。烏木一名烏櫛木。一名烏文木。出海南雲南。南番葉似櫻櫚。其木漆黑。體重堅緻。可爲筋及器物。今按說文。黦黑木也。疑闌木卽黦木矣。

康人以桴苳桴苳者。其實如李食之宜子。

一作康民又奪去下桴苳

二字

孔氏曰。康亦西戎別名也。食桴苳卽有身王氏補注。

王會篇箋釋

卷中

四十

曰。隋書康國康居之後也。唐以其地爲康居都督府。漢西域傳康居去長安萬二千三百里。說文茅苳一名馬鳥。其實如李。令人宜子。周書所說。或从以山海經茅苳木也。王肅引周書云。茅苳如李。出於西戎王基駁云。王會所記雜物奇獸。皆四夷遠國各齎土地異物以爲貢贄。非周南婦人所得采。茅苳爲馬鳥之草。非西戎之木也。

秋濤曰。按隋書康國者。康居之後。遷徙無常。不恆故地。然自漢以來。相承不絕。其王姓温。月氏人也。舊居祁連山北。昭武城。因被匈奴所破。西踰蔥嶺。遂有其國。支庶各分王。故康國左右諸國。並以昭武爲姓。示

不忘本也。都於薩寶水上阿祿連城。連一唐書曰貞

觀九年貢獅子。太宗嘉其遠至。命祕書監虞世南爲

之賦。按隋書言康居王本月氏人。從祁連山西徙。而

漢書西域傳止言月氏西徙。擊大夏而臣之。不言其

兼服康居也。疑漢時康居本別爲一國。非月氏之種。

至漢以後爲月氏所并。使其子弟爲王。故隋書溯其

祖於昭武耳。以是推之。則王會之康人。自當在蔥嶺

以西。爲漢之康居國。或指爲祁連山側之國。是誤讀

隋書。不足爲據矣。又按爾雅釋草。芣苢馬舄。馬舄車

前。陸德明釋文引說文。芣苢其實如李。令人宜子。周

書所說。徐鍇說文繫傳曰。按本草。芣苢一名車前服

王會篇箋釋

卷中

之令人有子。爾雅注亦同。韓詩云。芣苢木名。實似李。則非也。許慎但言李。則其子之苞亦似李。但微而小耳。段氏玉裁曰。按韻會引說文。李作麥。似近之。但未知其何本。陸德明徐鍇所據。已作李矣。詩音義曰。山海經及周書皆云。芣苢木也。今山海經無芣苢之文。若周書正文未嘗言。桴苢爲木。陶隱居又云。韓詩言。芣苢是木。食其實。宜子孫。此蓋誤以說周書者。語系之。韓詩德明引。韓詩直曰。車前。瞿曰。芣苢。李善引薛君曰。芣苢。澤瀉也。韓詩何嘗說是木哉。竊謂古者殊方之貢獻。自出其珍異。以將其誠。不必知中國所無。而後獻之。然則芣苢無二。不必致疑於許。俾周書也。

又案西山經崇吾之山有木焉員葉而白柎赤華而黑理其實如枳食之宜子孫郝氏懿行曰按周書王會篇云康民以桴苳云云說文引書作苳苳繫傳引韓詩亦云苳苳木名實如李陶注本草車前子亦引韓詩言苳苳是木似李食其實宜子孫與周書合是知苳苳有草有木周書所說是木類疑卽此秋濤按爾雅毛傳皆以苳苳爲草說文始引周書以周事證周詩最爲切近自王基駁王肅謂遠國貢贄非周南婦人所得采後人遂多河漢其言按王會所貢如周頭之羊黑齒之白鹿白馬長沙之鼈路人之竹禽人之菅皆中國常有之物不以爲疑何獨疑於苳苳哉

王會篇箋釋

卷中

四十一

得茂堂之說以通其郵可冰釋矣惟段氏以爲苳苳止有草無木郝氏據山海經以爲有草木二種今亦存以備一說云

州靡費費其形人身反踵自笑笑則上脣翕其目食人

北方謂之吐嚙

本注說文作土嚙反踵一作枝踵

孔氏曰州靡北狄費費曰臬羊好立行如人被髮前足指

一有稍字

長王氏補注曰漢書注臬陽費費也人面

黑身有毛反踵見人則笑脣蔽其目

王氏自注淮南子山內臬陽

山海經臬陽國在北胸之西其爲人人面長脣黑身

有毛反踵見人笑亦笑左手操管注海內經謂之顛

王氏自注音感

巨人今交州南康郡深山中皆有此物也長

丈許腳跟反向健走被髮好笑雌者能作汗灑中人
卽病土俗呼爲山都南康今有贛水以有此人因以
名水王氏自注崑崙之邱有獸其狀如羊而四角名曰土螻是食人爾雅狒狒如人被髮迅走食人又王氏自注梟羊也秋濤按此係郭注大者長丈許俗呼之曰山都說文成王時州靡國獻鬻或作狒王氏自注父沸切左思吳都賦萬萬笑而就格張衡玄圖梟羊喜獲先笑後愁

秋濤曰州靡諸家不言所在按王會次于巴濮之後當爲西南夷孔氏云北狄非也攷陳藏器本草拾遺曰狒狒出西南夷史記云西南夷君長以什數夜郎最大其西靡莫之屬以什數滇最大索隱曰靡莫夷

王會篇箋釋

卷中

邑名正義曰靡非在姚州北去京西南四千九百三十五里卽靡莫之夷史記又云元封二年天子發巴蜀兵擊滅勞漫靡莫索隱曰二國與滇同姓秋濤按唐姚州在今雲南楚雄府姚州北靡莫又在其北蓋卽古州靡國地也費費狴狴皆南方之獸歷攷紀載北方未聞有是姚州地處西南與巴濮壤接故以費費爲貢覈諸事理斯爲近之又按費費爾雅作狒狒說文引王會作鬻鬻郭注引作鬻鬻吳都賦作萬萬皆同音互轉以象形字言之當以說文爲正疑此篇費字蓋後人改之或記其音說文云遂誤爲正字也王懷祖先生讀書雜志曰翕其目翕當作弇字之誤

也翁與弁不同義翁合也弁蔽也此謂上脣蔽其目
非合其目之謂也費費說文作𦘔𦘔云周成王時州
靡國獻𦘔𦘔人身反踵自笑笑卽上脣弁其目食人
又云一名臬陽全用此篇之文而其字正作弁海內
南經注引周書曰州靡髡髡者人身反踵自笑笑則
上脣掩其面掩弁古字通則翁爲弁之誤益明矣又
海內經曰南方有顛巨人郭注卽臬陽也人面長脣黑身有
毛反踵見人則笑脣蔽其面蔽亦弁也王先生又曰
吐噓本作土𧈧此𧈧誤爲噓而土因誤爲吐也爾雅
疏引此已誤說文廣韻爾雅釋文及太平御覽獸部
二十皆作土𧈧西山經云崑崙之邱有獸焉其狀如

王會篇箋釋

卷中

四十四

羊而四角名曰土𧈧此與費費同名而異物然其字
亦作土𧈧秋濤按劉逵吳都賦注云臬羊喜食人大
口其初得人喜而笑卻脣上覆額移時而後食之人
因爲筒貫於臂上待執人人卽抽手從筒中出鑿其
脣於額而後禽之本草拾遺曰宋建武中獠人進雌
雄二頭帝問土人丁鑿鑿曰其面似人紅赤色毛似
獼猴有尾能人言如鳥聲善知生死力負千鈞反踵
無膝睡則倚物獲人則先笑而後食之獵人因以竹
筒貫臂誘之候其笑時抽手以錐釘其脣著額候死
而取之髮極長可爲頭髮血堪染鞞及緋飲之使人
見鬼也帝乃命工圖之李時珍曰按方輿志云狒狒

西蜀及處州山中亦有之呼爲人熊人亦食其掌剝其皮闔中沙縣幼山有之長丈餘逢人則笑呼爲山丈人或曰野人及山魃也又鄧顯明南康記云山都崑崙人通身生毛見人輒閉目開口如笑好在深澗中翻石覓蟹食之珍按鄧氏所說與北山經之山獠述異記之山都永嘉記之山鬼神異經之山獠玄中記之山精海錄雜事之山丈文字指歸之早魃搜神記之治烏俱相類乃山怪也秋濤按淮南子汜論訓云山出隳陽高誘注隳陽山精也人形長大而黑色身有毛若反踵見人而笑是費費本有山精之名瀕湖本草以諸奇物附之固其所也景純山海經圖讚

王會篇箋釋

卷中

四十五

云狒狒怪獸被髮操竹見人則笑脣蔽其目終亦號咷反爲我戮

都

本注一

郭狺狺

本注一

欺羽

無此

狺狺若黃狗人

面能言

孔氏曰都郭北夷狺狺獸名

一作都郭生是北狄二名非是

王氏補

注曰山海經汜林方三百里在狺狺東狺狺知人名

其爲獸如豕而人面爾雅猩猩小而好啼注山海經

人面豕身能言語今交阯封谿縣出猩猩狀如獾狫

聲似小兒啼荀子曰猩猩形笑亦二足毛也博物志

若黃狗與周書同左思吳都賦猩猩啼而就擒淮南

萬畢術猩猩知往郭璞贊曰厥狀似猴號音若嬰水

經注形若狗而人面頭顏端正善與人言音聲妙麗如婦人

秋濤曰孔氏以都郭爲北夷非也按諸書記猩猩產

于交阯哀牢邛都等境皆在西南徼無出北地者惟

誘淮南子注以爲北方獸名郝氏況王會都郭國次

懿行曰猩猩南方獸作北方誤也於西南夷巴濮之後其非北方之國甚明以今攷之

當卽交州西南之都昆國也杜佑通典邊防部敘南

蠻曰邊斗國都昆國拘利國比嵩國並隋時聞焉扶

南度金鄰大灣南行三千里有此四國其農作與金

鄰相同其人多白色都昆出好棧香藿香及流黃云

云按昆與郭一聲之轉扶南地近交阯故有猩猩可

王會篇箋釋

卷中

四十五

以充貢也郝氏懿行爾雅義疏曰小而好啼文義難

通當由轉寫致譌若好作如小而作小兒倒轉讀之

則通矣郭注似小兒啼可證今按太平御覽引爾雅

作猩猩小兒啼其所見本不誤也又按郭注海內南

經云今交州封谿縣出猩猩土俗人云狀如豚而後

似狗聲如小兒啼也或作猩猩字同耳海內經云有

青獸人面名曰狻狻注曰能言淮南子汜論訓云猩

猩知往而不知來高誘注人面獸身黃色禮記曲禮

曰猩猩能言不離走獸今禮記作禽獸蓋所見本異也見人往走則

知人姓字此知往也又嗜酒人以酒搏之飲而不能

息不知當醉以擒其身故曰不知來也後漢書西南

夷傳云哀牢出猩猩注云猩猩在山谷見酒及麝知其設張者卽知張者先祖名字乃呼其名而罵又通典曰據華陽國志云永昌郡有猩猩能言取其血可以染朱罽後魏酈道元水經注云武平郡封谿縣有獸名猩猩猿形人面身毛黃姿顏端正善學人語聞者無不酸楚太原王綱著傳云阮研曾使封溪見邑人說猩猩好酒及屐里人置之山谷常行路數百爲羣見酒物等知人設張取之此獸甚靈先知其人祖父姓名而罾曰奴欲殺我捨爾去也旣去復還因相呼曰試共嘗酒及飲乃甘其味逮半醉皆擒之無遺逸遂至檻中隨其所欲飼之將烹索其肥者乃自推

王會篇箋釋

卷中

擇泣而遣之廣志云猩猩唯聞其啼不聞其言出交趾郡封溪縣按前代永昌郡卽今之雲南郡武平郡卽今之安南府並封略之內古謂其靈而智不因人教而解人語殊爲珍異秦漢以降天下一家卽嶺南獻能言鳥及馴象西域獻汗血馬皆載之史傳以爲奇物復廣異聞聲教遠覃如越裳白雉之類故彰示後代則猩猩不異於鳥象何爲獨無獻乎獲之以充口實則致之固難也王莽置漢孺子於四壁中禁人與語及長不能名六畜猩猩若非靈異自解人語卽須因教方成又不可容易而爲庖膳也是知諸家所說不加考覈遞相祖述耳佑以爲廣志尤足徵矣血

染朱罽徧問胡商元無此事故詳而疏之秋濤按爾雅但云猩猩如小兒啼不云其能言蓋舉其初而言之郭義恭杜君卿之論是也王會所紀能言則人教之言既能言方以充貢如鸚鵡鸚鵒秦吉了之類非謂其生而能言也他書神奇之說均出傳會流爲丹青不足據依南山經招搖之山有獸狀如禺而白耳伏行人走名曰狺狺不云能人言與爾雅同或疑別是一物非也至海內南經所云狺狺知人名名者相命也謂知人言耳而後人遂謂先知其人祖父姓名近於誕矣

奇幹

一作幹

善芳善芳者頭若雄雞佩之令人不昧一本注

昧莫禮切皆東鸞

王會篇箋釋

卷中

四六

孔氏曰奇幹亦北狄善芳鳥名不昧不忘也

一本奪此五字

此東向列次也

一作皆東東向列次也

王氏補注曰山海經翼

望之山有鳥其狀如鳥三首六尾而善笑名曰鵠鵠

王氏自注音猗餘

服之使人不厭注不厭夢也周書云服者

不昧或曰眯眯目也善芳太平御覽作獻茅

秋濤曰奇幹不知所在當在西方孔氏以爲北狄非

也自夷用闢木以下至此凡五國者附近西南邊塞

以北方之國雜廁其閒斯爲乖矣今以諸書考之疑

卽奇肱國海外西經奇肱之國其人一臂三目有陰

有陽乘文馬有鳥焉兩頭赤黃色在其旁按此鳥兩

頭與下鵠鵠三首之說相近赤黃色與頭若雄雞之

說相近疑卽王會之善芳也郭注肱或作厶奇音羈
畢尙書曰舊本傳云或作宏非也說文云厶肱字淮
南子墜形訓作奇股高誘注云奇隻也股腳也奇肱
又作奇恆太平御覽七百九十七卷西戎六引括地
圖曰奇恆民善爲機巧設百禽爲飛車從風遠行湯
時西風多奇恆車至於豫州湯破其車十年西當作東
風到乃令復作遣歸去玉門四萬里按奇恆乘西風
而至豫州又云去玉門四萬里則在西方可知楚詞
招魂云去君之恆幹注恆常也幹體也奇幹猶言奇
體卽奇肱之謂也肱與恆則聲近借字耳又案西山
經所載翼翼山之鵠鷁鳥郭注引周書服者不昧似

王會篇箋釋

卷中

四九

郭所見王會本與山經鳥名相同故直引爲說也畢
注釋鵠鷁曰王會奇幹善芳云云孔晁曰奇幹亦北
狄善芳鳥名按此鳥與此略同疑奇幹卽鵠鷁鳥字
或當爲奇幹周書云善芳當爲善笑形相近字之譌
孔說非也又釋不厭曰倉頡篇云厭眠內不祥也俗
作麗非高誘注淮南子曰楚人謂厭爲昧則卽周書
云不昧也秋濤按畢注以鵠鷁卽善芳其所出之山
名翼翼翼翼在今甘肅西南徼外青海之地西山經云凡西
次三經之首自崇吾之山至于翼翼之山畢注曰此
經之山皆在甘肅今以地勢推之則翼翼山當在徼
外青海之地正西方也畢注之說似亦近是又按北山經
帶山有鳥焉其狀如鳥五采而赤文名曰鵠鷁是自

爲牝牡食之不疽郭注曰上已有此鳥疑同名畢注曰陸德明莊子音義引此作奇類以釋類自爲雌雄則當爲奇類也按畢以翼望之鶻鶻當爲奇幹帶山之鶻鶻當爲奇類郝蘭皋以爲非是竊意鳥名鶻鶻當不誤或王會之幹字當爲余傳寫有譌未可知也自義渠以下至此國皆在西方故列於西而東嚮

北方臺正東高夷嘽羊嘽羊者羊而四角

孔氏曰高夷東北夷高句驪王氏補注曰爾雅疏九夷三曰高驪東夷傳高句驪在遼東之東千里南與朝鮮濊貊東與沃沮北與夫餘接王氏自注東夷相傳以爲夫餘別種故言語法則多同述異記成王時東夷進六角羊亦嘽羊之

王會篇箋釋

卷中

五十

類王氏自注嘽平監切後漢書冉駹夷有五角羊

秋濤曰古高句驪國今朝鮮咸興府東北之高句驪城卽其地見一統志按古朝鮮與高句驪爲二朝鮮乃箕子所封漢書地理志樂浪郡朝鮮是也高句驪亦曰

高麗漢志玄菟郡高句驪是也後漢書高句驪在遼東之東千里南與朝鮮濊貊東與沃沮北與扶餘接地方二千里多大山深谷人隨而爲居相傳以爲夫餘別種後始并爲一云又按嘽與羸聲相近西山經錢來之山有獸焉其狀如羊而馬尾名曰羸羊其脂可以已腊郭璞註今大月氏國有大羊如驢而馬尾爾雅曰羊六尺爲羸謂此羊也羸音羸以音求之嘽

羊殆卽羝羊歟又按畢尙書云羝非古字當爲麀蓋以說文無羝字故也然攷說文麀山羊而大者細角爾雅釋獸則云熊虎醜其子狗絕有力麀按麀字从鹿而二義皆非鹿也特以其同爲四足之獸故從其偏旁耳麀羊字从鹿亦然若羝字載於山經以羊類从羊合於六書似未可議其非古也 秋濤又按自高夷以下至山戎凡七國皆東北方之國也故列於北方臺正東自般吾以下至匈奴凡七國皆西北方之國也故列於其西其西云者謂北方臺正西也王會第舉其朝位卽因以見其國之方位古人文簡義該類如此

王會篇箋釋

卷中

五

獨鹿 卽 秋濤按各本此下有距虛善走也五字係衍文當刪按下文孤竹距虛孔注云距虛野獸驢驪之屬如此文已有距虛則孔當注于此下不當注于孤竹下也況此五字又不成交其爲涉注誤衍無疑

孔氏曰獨鹿西方之戎也 卽 卽 獸似鼠 一 無鼠 距虛 是也

負 廡 而 走 也 秋濤按孔注原文當作獸似距虛負廡而走也 卽 卽 狀如馬距虛驢驪之屬是

二獸形本相似故孔云然淺人因正文誤衍距虛善走也五字遂謬增鼠字使若分釋二獸者然不知其抵牾不合也爾雅翼不能校正其引孔注又刪去廡字是誤而更誤乃議孔氏之非可謂慎矣 王氏

補注曰周書史記篇阪泉氏徙立至于獨鹿注西戎

地名爾雅西方有比肩獸焉與卽卽虛虛比爲卽卽

距虛齧甘草卽有難卽卽距虛負而走其名謂之廡

注呂氏春秋曰北方有獸其名爲廡鼠前而免後趨

則頓走則顛然則叩叩距虛亦宜鼠後而免前前高不能取甘草故須蟹食之今鴈門廣武縣夏屋山中

有獸形如兔而大相負共行土俗謂之蟹鼠王氏自注音厥

穆天子傳叩叩距虛日走五百里符瑞志比肩獸王

者德及矜寡則至說文作蛩蛩王氏自注爾雅翼云沈括使遼稱契丹北

境慶州之地大漢中有跳兔形皆兔也但前足纔寸許後則幾一尺行則用後足跳一躍數尺止則蹶然

作地此則蟹也叩叩距虛蓋二獸子虛賦曰蹶蛩蛩

麟距虛張揖以為叩叩距虛見人將來必負蟹以走二

小說苑孔子曰蛩蛩距虛負而貴之故也然則負蟹

者或叩叩或距虛二物不相須也周書王會注以為

叩叩似鼠距虛負而走則是以叩叩為蟹也與爾雅

說苑異今不取秋濤按爾雅翼所引孔注舛誤辨已見前

秋濤曰王懷祖先生讀書雜志曰上下文六國皆東

王會篇箋釋

卷中

北夷則獨鹿亦東北夷非西方之戎也獨與涿古聲

相近獨鹿即涿鹿也漢書武帝紀行幸歷獨鹿鳴澤

服虔曰獨鹿山名在涿郡史記五帝紀黃帝與蚩尤

戰於涿鹿之野集解亦引服虔曰涿鹿山名在涿郡

索隱曰按地理志上谷有涿鹿縣則服虔云在涿郡者誤也

是獨鹿即涿鹿其地在今直隸宣化府保安州南非西方之戎明矣秋濤

按孔氏以獨鹿在西方他無所據特因爾雅載西方

有比肩獸與叩叩距虛比故並獨鹿而目為西方之

戎耳懷祖先生獨辨其非所見甚卓故備錄之又按

史記解之獨鹿與阪泉氏相近亦獨鹿在東北之證

也海外北經北海內有素獸焉狀如馬名曰蛩蛩郭

注云卽蚩蚩距虛也。一走百里見穆天子傳此亦北方有叩叩之一證。

孤竹距虛

孔氏曰孤竹東北夷。一作距虛野獸二字無此驢騾之

屬王氏補注曰爾雅觚竹在北方地理志遼西令支

有孤竹城括地志孤竹故城在平州盧龍縣南十二

里殷時諸侯國姓墨胎氏史記正義孤竹君是殷湯

正月三日丙寅封相傳至夷齊之父山海經北海有

素獸狀如馬名曰蚩蚩注蚩蚩距虛也。一走百里穆

天子傳距虛注亦馬屬尸子曰距虛不擇地而遠玉

篇駢騶獸似騾

王會篇箋釋

卷中

五三

秋濤曰孤竹城在今直隸永平府盧龍縣南漢書地

理志令支縣有孤竹城。令支地詳水經注玄水西南

逕孤竹故城北孤竹國也城在山側肥如縣南十二

里一統志曰按水經注孤竹城在濡口之東玄水之

南舊志謂在縣西十五里轉在灤河之西。灤河卽古濡水蓋

後人所附會也秋濤按爾雅列觚竹於四荒觚孤音

同古字通用郭璞注觚竹在北今按孤竹實在東北

惟對北戶爲南荒言之則孤竹正可云北荒耳齊語

紀桓公事云北伐山戎剋令支斬孤竹韋昭注二國

山戎之與也。又按叩叩距虛或以爲一獸或以爲二

獸爾雅釋文引李巡云叩叩距虛能走蟹知美草卽

若驚難者叩叩距虛便負蟹而走故曰比肩獸孫炎云叩叩距虛狀如馬前足鹿後足兔前高不得食而善走蟹前足鼠後足兔善求食走則倒故齧甘草則仰食叩叩距虛叩叩距虛負以走是皆以叩叩距虛爲一獸子虛賦有麟叩叩蹙距虛之文郭璞注云距虛卽蛩蛩賦家變文互言耳顏師古從其說邵氏晉涵作爾雅正義本之頗以言二物者爲非按說苑載孔子之言明分叩距爲二獸漢書子虛賦張揖注云蛩蛩青獸狀如馬距虛似羸而小是其形狀迥殊山海經說文皆以蛩蛩爲獸不言距虛枚乘七發云後類距虛李善注引范子云千里馬必有距虛合之尸

王會篇箋釋

卷中

五

子廣雅玉篇諸書皆專舉距虛不言叩叩又上林賦蛩蛩驩驩郭璞注云驩驩距驢類也崔豹曰驢爲牡馬爲牝卽生騾馬爲牡驢爲牝生駝驢是距虛與叩叩大異不可強同郝氏懿行作爾雅義疏臚舉各家以言二物者爲是可備定論王會分列二國所貢孔注亦剖晰極明足爲爾雅訂此疑義矣

不令支玄獾

秋濤按一本獾作模譌也

孔氏曰不令支皆東北夷

秋濤按皆字衍

獾白狐

秋濤按一無此三字

是玄獾則黑狐

秋濤按二狐字皆豹字之譌說見後

王氏補注曰齊語

北伐山戎刺令支

王氏自注史記離枝

斬孤竹注二國山戎之

與也令支今爲縣屬遼西孤竹之城存焉括地志令

支故城在平州盧龍縣西七十里王氏自注爾雅獬

白豹注似熊小頭庫腳黑白駿能舐食銅鐵及竹骨

骨節強直中實少髓皮辟溼或曰豹白色者別名獬

說文似熊而黃黑色出蜀中王氏自注南中志曰獬

大如騾狀頗似熊多力食鐵所觸無不拉廣志曰獬

色蒼白其皮温煖秋濤按韻會曰獬通作貉後漢書

南中志廣志卽

秋濤曰此令支及下屠何皆東北國名謂之不令支

不屠何者猶吳之稱句吳越之稱於越也蓋其國之

人自稱有此發語聲故因而記之爾雅不律謂之筆

郭注曰蜀人呼筆爲不律也語之變轉王伯申尙書

王會篇箋釋

卷中

五五

以爲不者發聲猶潛謂之不潛類謂之不類若謂之
不若也不律謂之筆猶言律謂之筆耳按此解不字
極確可與王會不字相證明也又按令支故城在今
直隸永平府遷安縣西古令支國春秋時爲山戎屬
國家語記齊桓公北伐山戎制令支管子作泠支音
同字異史記齊世家桓公北伐山戎離支孤竹方以
智通雅曰離支卽令支也離令音近令音零按漢於
令支故國置縣至晉初入於鮮卑大安二年封鮮卑
務勿塵爲遼西公以令支爲國都其後慕容儁取令
支置遼西郡義熙三年慕容懿以令支降魏魏眞君
七年併令支入陽樂縣魏書地形志肥如縣有令支

城通典。盧龍有漢令支縣城。遼史地理志。平州安喜縣本漢令支縣故城。遼置安喜縣。大定七年更今名。遷安縣志。安喜故城在縣西北七十里。永平府志。安喜故城在今縣東北二十里。未詳孰是。又按獾與獾同。孔注。今本云獾白狐係傳寫之誤。攷爾雅白狐乃貉。非獾也。爾雅獾白豹。郭注有二說。前說謂獸似熊黑白。駁能舐食銅鐵。後說則謂豹白色者別名獾。王伯申尙書曰。上文虎竊毛謂之虬。貓下文虬白虎。虬黑虎皆言虎豹之屬。非言熊屬也。豹與熊殊類。似熊者不得謂之豹。當以後說爲長。說文豹似虎。圖文詩大雅正義。

王會篇箋釋

卷中

五

引陸璣疏曰。毛赤而文黑謂之赤豹。毛白而文黑謂之白豹。獾蓋毛白而文黑者。獾之爲言猶白也。似熊而黑白駁之。獾與白豹之獾皆以白得名。而一爲白豹。一爲食銅鐵之獸。不得混爲一物。王會篇孔注曰。獾白豹。玄獾則黑豹。今本豹字皆誤作狐。玉海引此。已誤。列子天瑞篇青靈生。程程生。馬釋文引尸子云。程中國謂之豹。越人謂之獾。又引山海經云。南山多獾。豹。郭注云。獾是豹之白者。今本西山經獾豹作猛。毛淺有光澤能舐食銅鐵。出蜀中。與列子釋文所引不同。蓋獾有二義。故郭注兩釋之。而後人遂刪其一也。然正文既言獾豹。則是白豹之別名。而非食銅鐵之獸矣。獾猛古字通。猶虺蛇之爲虺猛。此皆爾雅所謂獾也。說文獾似熊而黃黑色。出蜀中。未嘗

以爲爾雅之白豹字林獬似熊而白黃出蜀郡一曰白豹然則似熊而白黃者非白豹明矣

不屠何青熊

秋壽案熊一本作能

孔氏曰不屠何亦東北夷也王氏補注曰管子曰桓公敗胡貉破屠何注屠何東胡之先也說文熊似豕山居冬蟄上林賦注犬身人足

王氏自注禹貢梁州貢熊羆詩言韓土有

熊有羆

秋濤曰按屠何卽徒河故城在今奉天錦州府錦縣西北相傳虞舜時已有此城劉恕通鑑外紀周惠王三十三年齊桓公救燕破屠何卽徒河也桓公用兵後地蓋屬燕漢置徒河縣屬遼西郡後漢安帝時改

王會篇箋釋

卷中

五七

屬遼東屬國都尉魏晉省入昌黎郡界後慕容氏復置徒河縣太康十年慕容廆遷于徒河之青山元康四年移居棘城魏書地形志眞君八年併徒河屬廣興縣杜佑通典曰徒河青山在營州郡城東一百九十里明一統志徒河故城在廣寧中屯衛境內卽此城也又今之錦州府寧遠州亦漢徒河縣地以屠何爲不屠何者義已見前云青熊者熊羆同類之物今山中熊類不一有人熊蓋卽羆也有猪熊馬熊之屬皆因其形之近似而命名猪熊色黑其卽所謂青熊

歟

東胡黃羆

孔氏曰東胡東北夷也

一本奪此注

王氏補注曰伊尹朝

獻商書正北東胡山海經大澤在雁門北東胡在大

澤東匈奴傳燕北有東胡服虔曰烏桓之先也後爲

鮮卑爾雅羆如熊黃白文似熊而長頭高腳猛憨多

力能拔樹木關西呼曰貊羆詩韓侯其追其貊奄受

北國獻其黃羆陸璣疏羆大於熊淮南子散宜生得

玄豹黃羆以獻於紂

秋濤曰史記匈奴傳

互見漢書

燕北有東胡山戎索隱曰

服虔云東胡烏丸之先後爲鮮卑在匈奴東故曰東

胡史記又曰其後燕有賢將秦開襲破東胡東胡卻

千餘里燕築長城自造陽

韋昭曰地名在上谷正義曰案上谷郡今媯州至

王會篇箋釋

卷中

五十六

襄平

索隱曰韋昭云今遼東所理

置上谷漁陽右北平遼西遼東

郡以拒胡熱河志曰按後漢書郡國志令支縣有孤

竹城令支及孤竹今盧龍縣遷安縣地自此以東北

皆山戎境齊師至此而山戎遁走故遂自孤竹而還

今永平府北邊外卽承德府屬之東南境知爲春秋

時山戎地也東胡與匈奴接壤當在山戎西今順天

府北邊外卽承德府屬之西南境知爲春秋時東胡

地也服虔以山戎爲漢鮮卑以東胡爲漢烏桓而於

東胡又云後爲鮮卑後漢書則以烏桓鮮卑並爲東

胡之支山戎則戰國時已無聞蓋爲東胡強盛所併

是承德府全境在春秋末又當全爲東胡地也續漢

書曰

見索隱所引

漢初匈奴冒頓滅其國餘類保烏桓山

以爲號俗隨水草居無常處以後事迹詳後漢書烏桓鮮卑傳廣韻引前燕錄云昔高辛氏游於海濱留少子厭越以居北夷邑于紫蒙之野號曰東胡云云其後爲慕容氏又按海內西經云大澤方百里羣鳥所生及所解在雁門北史記索隱曰崔浩云翰海北海名羣鳥之所解羽故云翰海郭注大澤曰百鳥於此生乳解之毛羽畢尙書曰案此澤名翰海亦卽委羽之山皆以解羽名之秋濤按此翰海據崔說卽羽翰之翰今俗加水作瀚非是翰海卽今沙漠東胡在其東也邵氏晉涵爾雅正義曰羆爲熊類而力大於

王會篇箋釋

卷中

五九

熊有赤黃二種而古者以黃爲貴

詩大雅稱韓侯及淮南子道應訓記

散宜生與王會所紀諸國貢獻皆取羆之黃者故邵云然

禹貢以熊羆狐狸爲梁

州之貢是貢羆之始也又曰羆與熊相似古人多連舉淮南說山訓云熊羆之動以攫搏高誘注云熊羆多力故能攫搏今獵者不知有羆而分熊爲三種曰猪熊曰馬熊曰人熊柳宗元謂鹿畏羆羆畏虎虎畏羆羆之狀被髮人立而甚害人是以人熊爲羆矣郝氏懿行曰爾雅翼云羆卽熊之雌者其說非也熊羆各有牝牡今關東人說人熊之狀正與柳合蓋熊羆同類俗人不識羆故呼爲人熊耳

山戎戎菽

一本奪下戎字

孔氏曰山戎亦東北夷戎菽巨豆也

一作豆藥非是

王氏補

注曰匈奴傳燕北有山戎山戎越燕而伐齊史記正義今奚國杜預曰山戎北狄無終三名一也括地志幽州漁陽縣本山戎無終子國漢書戎叔注胡豆也管子桓公北伐山戎以戎菽遍布於天下

秋濤曰今直隸承德府所屬之平泉赤峯建昌朝陽等州縣在周時皆山戎地後併入東胡又永平府之西境亦山戎故壤春秋時謂之北戎左傳隱九年北戎侵鄭桓公六年北戎伐齊莊三十年齊人伐山戎以其病燕故管子及國語載桓公北伐甚詳皆是時事也合孤竹令支屠何諸國皆爲山戎所役屬其強可

王會篇箋釋

卷中

六十

知是歲齊侯獻戎捷于魯蓋以摧破強敵故張大其事耳僖十年齊侯許男伐北戎自是後北戎不見於傳襄四年無終子嘉父因魏莊子納虎豹之皮以請和諸戎杜注無終山戎國名昭元年晉荀吳敗無終及羣狄于太原正義曰計無終在太原東北二千餘里不知何故遠就太原來與晉戰秋濤按無終蓋諸戎之長故能率以請和又能遠至太原不足異也今順天府玉田縣西有無終城卽無終故國又按戎菽卽大豆又名荏菽聲轉而爲戎菽大雅生民云蓺之荏菽毛傳用爾雅云荏菽戎菽也鄭箋云戎菽大豆也正義云釋草云戎菽謂之荏菽孫炎曰大豆也此

箋亦以爲大豆樊光舍人李巡郭璞皆云今以爲胡
豆郭璞又云春秋齊侯來獻戎捷穀梁傳曰軍得曰
捷戎菽也管子亦云北伐山戎出冬蔥及戎菽布之
天下今之胡豆是也王懷祖先生曰案爾雅戎菽皆
爲大豆注穀梁者亦以爲大豆也郭璞等以戎菽爲
胡豆卽如郭言齊桓之伐山戎始布其豆種則后稷
之所種者何時絕其種乎而齊桓復布之禮有戎車
不可謂之胡車明戎菽正大豆是也九穀考云爾雅
釋詁壬戎皆訓爲大壬與荏字可通荏菽戎菽大豆
之稱也管子書戎菽或別是一種非后稷之所樹者
今按王會所紀協之穀梁管子則戎菽亦如巨勝胡
麻之比正未可執一以相疑矣又按羣芳譜云豌豆
種出山戎北土尤多百穀之中最爲先熟張揖廣雅
分胡豆豌豆爲二本草辨其非是以爲戎菽與胡豆
卽今之豌豆也按穀梁戎菽楊士勛疏引徐邈曰今
之胡豆管子戎菽注亦云胡豆熱河志曰羣芳譜載
豆之屬以大小二豆該之豌豆在小豆之中以其種
出山戎而今熱河卽古山戎之地故特著之秋濤按
蠶豆亦一名胡豆與豌豆同時種而形性迥別其大
倍于豌豆農政全書云蠶豆之利比于豌豆十倍或
桓公所得卽此物以其異常而布之天下歟

王會篇箋釋卷中終

錢塘諸可寶覆勘
新陽汪之昌分校

王會篇箋釋

卷中

三

